

Ստեփանավանի Սուրբ Գրիգոր Լուսավորչի անվան թիվ 2
հիմնական դպրոցի տնօրեն Սյուզաննա Նազարյանի 2022-2023
ուստարվա ընթացքում կատարված աշխատանքների տարեկան

Հաշվետվություն

2022-2023 ուստարվա ընթացքում կատարվել են
ուսումնադաստիարակչական և կազմակերպչական հետևյալ
աշխատանքները.

Տարվա ընթացքում պատշաճ կերպով իրականացվել են բոլոր
աշխատանքների ի շահ մեր աշակերտների:

Տարվա ընթացքում գումարվել են 12 մանկավարժական խորհրդի նիստ
և ըստ ժամանակացույցի կառավարման խորհրդի նիստեր:

Նշանակվել են մեթոդիավորման
նախագահներ, դասդեկներ, կաբինետների պատասխանատուներ:

1. Կազմակերպվել է դպրոցի ուսումնադաստիարակչական գործընթացը՝
- Հիմնվելով 2022-2023 ուստարվա օրինակելի ուսումնական պլանի և
կանոնադրության վրա՝ տեղծվել է դպրոցի ուսումնական պլանը, և
կազմվել են անհրաժեշտ բոլոր գրաֆիկները /ուսումնական պլան,
դպրոցական բաղադրիչ ժամաքանակի բաշխում, ուսուցիչների
ժամաքաշխում/: Բաշխվել է դպրոցական բաղադրիչ ժամաքանակը,
դպրոցական բաղադրիչ ժամաքանակն արտացոլող գրաֆիկում նշվել
են այն դասարանները, որոնցում կազմակերպվել է ռուսերենի խորացված
ուսուցում՝ 5-րդ <<ա>>, 5-րդ <<բ>> և 9-րդ <<ա >>, 9-րդ <<բ>>
դասարաններում:

- ժամանակին կազմվել է 2022-2023 ուստարվա դասացուցակը:
Դասացուցակը լիովին համապատասխանել է դպրոցի ուսումնական
պլանին և հաշվի է առնվել դասաժամերի օպտիմալ
հարաբերակցությունը, ինչպես նաև օրվա և շաբաթվա ընթացքում
ուսումնական առարկաների ճիշտ հաջորդականությունը:
Դասացուցակը կազմված է եղել այնպես, որ հնարավոր է եղել կատարել
փոփոխություններ՝ ուսուցիչների բացակայությունների հետ կապված: :

Մշտապես վերահսկվել է Emis.am էլեկտրոնային մատյանի աշխատանքները, վեր հանվել թերութունները և կատարվել անհրաժեշտ փոփոխությունները:

Կատարվել է դասագրքերի բաշխում և զեղչի հատկացում, դասղեկները ներկայացրել են դասղեկական աշխատանքների պլաները հաստատման, կազմվել է ծնողական ժողովների գրաֆիկներ: Կատարվել են դասարանների թեմատիկ ձևավորում:

Աշխատանքներ են տարվել անցանկալի վարք դրսևորող աշակերտների, հատուկ կարիքներով և սոցիալապես անբարենպաստ պայմաններում գտնվող ընտանիքների երեխաների հետ:

Ուստարվա ընթացքում ստուգվել և աշխատանքներ են տարվել աշակերտների գրադարանի հաճախելիության, մոտիվացիայի բարձրացման ուղղությամբ: Համագործակցում ենք <<Չարթնիր>> ՀԿ-ի հետ:

- Աշխատելով վարձաչափային /տարիֆիկացիոն/ հանձնաժողովի կազմում՝ հաշվվել ու համակարգվել են ուսուցիչների դասաժամերը /սեպտեմբերի սկզբին և հունվարի սկզբին/: Ուստարվա ընթացքում, անհրաժեշտության դեպքում, լրացվել է ուսուցիչների բաց թողած և փոխարինած ժամերի մատյանը, որի հիման վրա յուրաքանչյուր ամսվա վերջում կազմվել է աշխատավարձի տաբել և ներկայացվել տնօրենի հաստատմանը:

2. Ուսումնական ծրագրերի կատարումը.

Ուսումնական ծրագրերի կատարման ստուգումն իրականացրել են մեթոդափոխությունների նախագահները՝ հաշվի առնելով յուրաքանչյուր դասարանում յուրաքանչյուր առարկայի ծրագրի կատարողականը, հաշվառելով էլեկտրոնային մատյանի և թեմատիկ պլանների դասաժամերը: Մեթոդափոխությունների նախագահները այդ մասին հաշվետվություն են ներկայացրել դպրոցի մանկխորհրդին: Դպրոցի կիսվող և չկիսվող դասարանների բոլոր առարկաների ծրագրերը կատարվել են:


3. Դասավանդման որակի և սովորողների՝ գիտելիքների, հմտությունների և կարողությունների՝ չափորոշիչներով սահմանված առնվազն պարտադիր նվազագույն մակարդակի ապահովումը.

Դասավանդման որակի և սովորողների գիտելիքների, հմտությունների և կարողությունների՝ ՀՊՁ-ով սահմանված առնվազն պարտադիր նվազագույն մակարդակի ապահովման համար դպրոցում կատարվել են մի շարք աշխատանքներ՝ դասալսումներ և դրանց վերլուծություններ, ուսուցիչների օրվա պլանների ստուգումներ, մեթոդական օգնություններ և խորհրդատվություններ ուսուցիչներին: Կատարվել են անհրաժեշտ աշխատանքներ մեթոդիավորումների հետ: Կազմակերպվել են և տրվել գրավոր աշխատանքներ տնօրենության կողմից՝ առաջին կիսամյակում՝ 3-րդ, 4-րդ, 5-րդ, 8-րդ, 9-րդ դասարաններում/բոլոր առարկաներից/, երկրորդ կիսամյակում՝ 6-րդ, 7-րդ դասարաններում/հայոց լեզու/գրակ., մաթեմատիկա, բնագիտություն, ռուսաց լեզու, անգլերեն/: Գրավորների արդյունքները լուսաբանվել են մեթոդիավորման նիստում, քննարկվել են, մշակվել քայլեր՝ առաջադիմության և որակի բարձրացման նպատակով:

Իմ կողմից ուստարվա ընթացքում կատարվել են 75 դասալսումներ, որոնց նպատակն է եղել՝ ստուգել ուսուցչի՝ մանկավարժահոգեբանական նպակադրման կարողությունը, ուսումնական մոտիվացիայի ստեղծման և պահպանման կարողությունը, ուսուցչի մեթոդական բազմագիտակությունը, նյութի ըմբռնումը կազմակերպելու կարողությունը, դասի գործնական ուղղվածության ապահովումը, անհատական ճիշտ մոտեցումներ ցուցաբերելու և շերտավորված ուսուցում իրագործելու կարողությունը, աշակերտակենտրոն ուսուցումը, աշակերտների հետ ուսուցչի հաղորդակցումը, ՏՀՏ-ի կիրառումը, տեսադասեր կազմակերպելու կարողությունը, աշակերտների մոտ գիտելիքների, ուսումնական հմտությունների և կարողությունների ձևավորումը և զարգացումը, նյութի իմացությունը ուսուցչի և աշակերտների կողմից, ուսուցչի մասնագիտական պարտաճանաչությունը, դասի համապատասխանությունը արդի պահանջներին, գիտելիքների գնահատման հիմնավորվածությունը և այլն: Ամեն օր ստուգվել է ուսուցիչների օրվա պլանների առկայությունը: Առանձնապես կարևորվել է դասի արդյունավետության բարձրացումը, ՏՀՏ-ների կիրառումը և տեսադասերի կազմակերպումը, տարաբնույթ

ուսումնական նյութերի կիրառումը ուսումնառական գործընթացի ընթացքում, որոնք ավելի դյուրամարս և հետաքրքիր են դարձնում գիտելիքների յուրացումը: Տարրական դասարանների տարեկան առաջադիմությունը կազմում է 100%, իսկ որակի %-ը կազմում է 67:

5-9-րդ դասարաններում առաջադիմությունը կազմում է 100 %, իսկ որակի %-ը 43.9 է: Ամբողջ դպրոցի առաջադիմությունը 100% է, իսկ որակի %-ը 53 է:




Դասարանների ցածր որակը դիտարկվել և քննարկվել է, թե դասղեկների, թե դասավանդող ուսուցիչների հետ: Որոշվել է ակտիվ համագործակցել ծնողների հետ և քայլեր ձեռնարկել այդ ուղղությամբ բարելավելու ուսումնառության որակը:

8-րդ <<բ>> դասարանի աշակերտուհի Սյուզաննա Մուրադյանը, 5-րդ <<բ>> դասարանի աշակերտ Արսեն Մուրադյանը 120-ից 200 ժամ բացակայելու պատճառով մայիսի 18-ից 25-ն ընկած ժամանակահատվածում հանձնել են քննություններ մայրենիից հայոց լեզու և գրականությունից, մաթեմատիկայից, հանրահաշիվ և երկրաչափություն առարկաներից, ստուգարք ֆիզկուլտուրայից և ստուգողական աշխատանքներ բոլոր առարկաներից՝ սահմանված կարգով: Կազմվել է այդ աշխատանքների ամբողջական փաթեթը, որը ներառում է քննական ու ստուգողական աշխատանքները, և կազմվել են համապատասխան արձանագրությունները: Կատարվել են գրառումներ՝ էլեկտրոնային մատյանի համապատասխան էջերում: Բժշկական տեղեկանքի հիման վրա ֆիզկուլտուրայի քննություններից ազատվել են Արսեն Ասլանյանը, Արտյոմ Եգանյանը, Գագիկ Հակոբյանը: Սերգո Սուքիասյանը, որպես ԿԱՊԿՈՒ աշակերտ, ծնողի դիմումի համաձայն, ազատվել է ավարտական բոլոր քննություններից: 4 -րդ <<բ>> դասարանի աշակերտ Նարեկ Բարոյանը չի ներկայացել <<Մայրենի>> առարկայի գիտելիքների ստուգմանը, ուստի սահմանված կարգով հանձնելու վերաքննություն:

Դպրոցում կան կրթության առանձնահատուկ պայմանների կարիք ունեցող 27 աշակերտներ, որոնցից 2-ը ծանր, 16-ը միջին, իսկ 9-ը թեթև խանգարումներով: Նրանց համար կազմվել է ԱՌԴ և դասապրոցեսը կազմակերպվել սահմանված նպատակներին համապատասխան: Ուսուցիչները հիմնականում կարողացել են հասնել ԱՌԴ-ով սահմանված նպատակներին:

ԿԱՊԿՈՒ ԹԻՎ



■ Ծանր ■ միջին ■ թեթև ■ չնդհանուր

4.Դպրոցի փոխտնօրենների հետ համատեղ իրականացվել է դպրոցի ուսումնադաստիարակչական աշխատանքների մեթոդական ղեկավարումը, ապահովվել է կրթության պետական կառավարման լիազորված մարմնի և տարածքային կառավարման

մարմնի՝ Հայաստանի Հանրապետության օրենսդրությանը չհակասող հանձնարարականների կատարումը:

5. Ղեկավարվել է առարկայական մեթոդափափրումների

աշխատանքները: Կարևորվել է ՏՀՏ գործիքների կիրառմամբ դասերի լայն կիրառումը դպրոցում տարբեր առարկաների դասավանդման ժամանակ: Բազմաթիվ տեսադասեր և շնորհանդեսներով միջոցառումներ են անցկացվել գրեթե բոլոր առարկաներից: Հետաքրքիր առարկայական միջոցառումներ են կազմակերպել բոլոր ուսուցիչները՝ համաձայն մեթոդափափրումների կազմած ծրագրերի՝ պահպանելով նշված ժամկետները: Ընդհանրացվել և տարածվել է մանկավարժական աշխատանքի առաջավոր և արդյունավետ փորձը, կազմակերպվել են բազմաթիվ և բազմաբնույթ բաց դասեր՝ դպրոցի մանկավարժական առաջավոր փորձը տարածելու, տարբեր առարկաների նկատմամբ աշակերտների հետաքրքրությունը մեծացնելու, առարկաների դասավանդման արդյունավետությունը բարձրացնելու նպատակներով: Անց են կացվել թվով 28 բաց դասեր:

N	առարկա	Դասարան	թեմա	ուսուցիչ
1	մայրենի	2 Ա	Ոսկեծամիկ աշուն թեմայի ամփոփում	Դ. Մովսեսյան
2	մայրենի	1 Ա	Ամա Հնչյուն-տառի շնորհանդես	Լ. Խուբլարյան
3	մայրենի	1 Ա	Ամա Հնչյուն-տառի շնորհանդես	Շ. Զալաշյան
4	գրականություն	8Ա	Պ. Դուրյանի կենսագրությունը	Ս. Մելիքսեթյան
5	ռուսաց լ	6 Ա Բ		Լ. Հարությունյան Ս. Գ. Սուքիասյան
6	երկրաչափություն	8 Ա	Բազմանկյուններ	Ն. Գագիկյան

			ի ամփոփում	
7	անգլերեն	4 Ա	Երեք խոզուկներ	Ա. Ճշմարիտյան
8	կենսաբանություն	9 Ա	ՁԻԱՅ-ի դեմ պայքարի միջազգային օր	Ս. Նազարյան
9	գրականություն	8 Բ	Շիրվանզադե Արտիստը	Մ. Ջանջուղազյան
10	հասարակագիտություն	9-րդ	Դաս-մրցույթ՝ Մարդու իրավունքների պաշտպանությանը նվիրված	Մ. Նավասարդյան
11	մայրենի	4-րդ Ա	հեքիաթներ	Ս. Մեսրոպյան
12	ազգային երգ ու պար	5-րդ Ա	Թամզարա	Լ. Առուշանյան
13	հայոց պատմ.	6-րդ Ա	Տիգրան Բ Մեծ	Կ. Պողոսյան
14	մայրենի	2-րդ Ա	Յովհ. Թումանյանի հեքիաթները	Դ. Մովսեսյան
15	մայրենի	4-րդ Բ	Թող ուրիշն անի	Կ. Պետրոսյան
16	մայրենի	2-րդ Բ	Երկնքից երեք խնձոր ընկավ	Լ. Իսախրյան
17	անգլերեն	5-րդ Ա	The monster shopping Trip	Ա. Ճշմարիտյան
18	հայոց պատմություն	8-րդ Ա	Մեծ եղեռն	Կ. Պողոսյան
19	մաթեմատիկա	3-րդ Բ	Կապը ժամանակի չափման միավորների միջև	Յ. Նազարյան
20	ֆիզիկա	7-րդ Բ	Խնդիրների լուծում և փորձեր	Կ. Սիմոնյան
21	դասղեկական բաց դաս	5-րդ Ա	Միևի այգի ծրագրի թեմոյով	Կ. Պողոսյան
22	կենսաբանություն	9-րդ Ա	Թեմայի ամփոփում: Ջրոլորտ, մթնոլորտ,	Ս. Նազարյան

			քարոզչություն		
23	դաստիարակական դաս	բաց	5-րդ Բ	Միևի ծրագրին նվիրված այգի	Մ. Վիրաբյան
24	դաստիարակական դաս	բաց	2րդ Ա	Երեք խոզուկների այգին	Դ. Մովսեսյան
25	դաս-մրցույթ		6-րդ Ա	Վիկտորինա	Լ. Հունանյան
26	դաստիարակական դաս	բաց		Մասնագիտություններ	Ա. Սուքիասյան
27	անգլերեն		7-րդ Բ	The Famous Presidents of the USA A. Lincoln	Ա. Ճշմարիտյան
28	դաստիարակական դաս	բաց	7-րդ Ա	Միևի ծրագիր այգի	Գ. Նազարյան

Իրականացվել են ամենամսյա դաստիարակական խորհրդակցություններ, վեր են հանվել ուժեղ և թույլ կողմերը, կատարվել են ընթացիչ գնահատումներ դասարանների վարման հետ կապված, մշակվել ծրագրեր և պլաններ էլ ավելի կատարելագործելու և սահուն դարձնելու ծնող-աշակերտ-ուսուցիչ կապը: Կազմակերպվել են թվով 29 համադպրոցական և դասարանային միջոցառումներ: Մասնակցել են թվով 26 ծրագրերի և մրցույթների՝ ապահովելով հաղթանակներ:

Կամավոր ատեստավորման է մասնակցել ֆիզկուլտուրայի ուսուցիչ՝ Ա. Խաժակյանը, սակայն ունեցել է 69 տոկոս արդյունք, 23-24 ուստարում կամավոր ատեստավորման կդիմեն 5 ուսուցիչ.

Կենսաբանություն, հայոց լեզու, անգլերեն, ռուսերեն և ՆՁՊ դասավանդող ուսուցիչները:

**6. Ուսումնադաստիարակչական
վերահսկողություն:**

Հսկողություն է իրականացվել ուսումնադաստիարակչական աշխատանքների ընթացքի, սովորողների առաջադիմության և վարքի նկատմամբ, կանոնակարգվել է

սովորողների ուսումնական ծանրաբեռնվածությունը, դպրոցականների առարկայական օլիմպիադայի կազմակերպման աշխատանքները և ապահովել դրանց լուսաբանումը: Մեթոդական օգնություն է ցուցաբերվել ուսուցիչներին և՛ դասապրոցեսի, և՛ առարկայական միջոցառումների կազմակերպման ընթացքում, վերահսկվել է մատենավարությունը:

Կազմակերպվել և անց են կացվել տարեվերջյան ավարտական քննություններն ու գիտելիքների ստուգումները: Կազմվել են դրանց անցկացման ժամանակացույցը և խորհրդատվությունների ժամանակացույցը: <<Ազգային երգ ու պար ակադեմիայի>> հիմնադրամին պարբերաբար դիմել ենք մասնագետի լիցենզավորման կամ տրամադրման համար, սակայն ոչ մի արձագանք չի եղել, դասերը պարապել է ԵՊՀ –ի Պարարվեստի մանկավարժությունն ավարտած մանկավարժ:

Տոկոսային առարկայական վերլուծության արդյունքում հատուկ նշվել է որ առարկան, որ դասարանում է որակը 50%ից ցածր և տվյալ ուսուցիչներին հանձնարարվել է կատարել լրացուցիչ աշխատանքներ, տրվել են ամառային առաջադրանքներ:

7. Դպրոցի աջակցման խմբի աշխատանքների վերահսկում:

Վերահսկվել է բազմամասնագիտական թիմի աշխատանքը, կարևորվել է ԿԱՊԿՈՒ աշակերտների ուսումնառությունը, անհատական ուսումնական պլանների կազմումը և վարումը: Յուրաքանչյուր եռամսյակից հետո կազմվել են աշխատանքների հաշվետվություններ, որոնց մեջ արտացոլված են կատարված աշխատանքները: Կազմակերպվել են սեմինարներ և խորհրդակցություններ: Շատ կարևոր է մանկավարժական աջակցության թիմի և դասավանդող ուսուցիչների համագործակցությունը առավելապես նոր ուսումնական տարում, քանի որ սեպտեմբերից գործում է ԱՈՒՊ _ների լրացման նոր ձևը:

8. Նախակրթարանի աշխատանքների վերահսկում.

Պարբերաբար վերահսկվել են նախակրթարանի աշխատանքները, կատարվել են դասալսումներ: Նախակրթարան հաճախող երեխաների առաջընթացը ուստարվա ընթացքում ակնհայտ է: 2022-2023 ուստարում նախակրթարանում ունեցել ենք թվով 23 սաներ: Նախակրթարանի աշխատանքները արդյունավետ, տարաբնույթ են եղել:

Անգնահատելի է դպրոցի և մանկավարժների աշխատանքը, անհրաժեշտ է մշտապես առաջնորդվել այն գաղափարով, որ պետության հեռախոսը կրթված, դաստիարակված, բարեխիղճ, հայրենասեր քաղաքացիներն են: Որքան շատ ունենանք այդպիսի աշակերտներ, այնքան շատ կմոտենանք բոլորիս՝ հզոր ու անկախ Հայաստան ունենալու երազանքին:

9.Դպրոցի ճաշարանը ունի գերազանց սանիտարահիգիենիկ պայմաններ,երեխաներին տրվում է անվճար տաք սնունդ:
:Ճնողխորհուրդն ակտիվ համագործակցում է ՚հետևողական են և աջակցող:

Վերանորոգվել են բոլոր դասասենյակները,գրադարանը և բնապահպանական սենյակը:Սանհանգույցները գտնվում են խիստ անբարեկարգ վիճակում,սակայն մաքրությունը մշտապես ապահովված է:

Դպրոցի հովանավոր Դայանա Բարսամի աջակցությամբ վերանորոգվել և բարեկարգվել է մարզադահլիճի տանիքը:

ԵլթիՓիի հետ համագործակցության արդյունքում,բնապահպանական դասասենյակի համար ձեռք է բերվել,պրոյեկտոր,գրապահարան և 10 աթոռ,20 աթոռ գնել ենք դպրոցի միջոցներով:

Գրադարարանի հատակը լամինապատվել է և գնվել է ,հանդիսությունների դիտման նպատակով, 60 աթոռ:

Արդեն 3-րդ տարին է դպրոցը մասնակցում է <<Մինի այգի>>մրցույթին՝ձեռք բերելով տարբեր մրցանակներ□

Չորանոց,սառցարան:Աշխատանքների իրականացման արդյունքում անցած տարի դրամաշնորհով կառուցվեց ջերմատուն,որը ուսանելի միջավայր է գործնական աշխատանքներ իրականացնելու համար:Սերմերի ձեռքբերմանն ու ընթացիկ աշխատանքներին աջակցում են ծնողներն ու դպրոցի աշխատակիցները:

Մշտապես տնտեսվարի ուշադրության կենտրոնում է սանիտարահիգիենիկ նորմերի պահպանումը,անընդհատ վերանորոգվում է դպրոցի հին գույքը,բարեկարգվում է շենքային խնդիրները:

Եզրակացություն

2022-2023 ուստարվա դպրոցի ուսումնադաստիարակչական, տնտեսական կազմակերպչական աշխատանքները կատարվել են հավուր պատշաճի, բարեխղճորեն, հետևողական: Խրախուսվել են դրական, ուժեղ կողմերը, իսկ բարելավման կարիք ունեցող կողմերը ժամանակին դիտարկվել են և դրանց համապատասխան լուծումներ տրվել : Կարևորվել է առաջավոր փորձի տարածումը, համագործակցային աշխատանքը, փոխօգնությունը: